



VSTV je presudan za jačanje vladavine prava u BiH i ponovnu izgradnju povjerenja javnosti

Visoki predstavnik Valentin Inzko posjetio je danas Visoko sudsko i tužilačko vijeće Bosne i Hercegovine (VSTV) i još jednom iskoristio priliku da čestita Halilu Lagumdžiji, novoizabranom predsjedniku VSTV-a, kao i potpredsjednicama Biljani Simeunović i Saneli Gorušanović-Butigan.

Visoki predstavnik je pozdravio opredijeljenost novog rukovodstva VSTV-a da vladavinu prava i borbu protiv korupcije stavi u središte svojih aktivnosti, zajedno sa pravosudnom reformom neophodnom za rad na integraciji Bosne i Hercegovine u EU.

„Transparentan i vjerodostojan VSTV presudan je faktor za jačanje vladavine prava u BiH. Sa novim rukovodstvom može se vratiti povjerenje javnosti u VSTV i pravosudne institucije. Uvijek ćemo podržavati aktivnosti kojima je cilj poboljšati funkcioniranje, integritet i odgovornost pravosuđa”, rekao je visoki predstavnik.